

# Ich wör su jän ens Weihbischof

Text und Musik: Martin Graf/Bläck Fööss

**Ich wör `su jään ens Weihbischof,  
dat wör en prima Saach.  
Ich wör `su jään ens Weihbischof,  
dovun dräum ich ald su manche Naach.**

Em Dom jet römlaufe  
un schwatze Anzöch kaufe,  
en d`r Bibel studiere,  
ungerm Baldachin spaziere.  
Prächtije Jewänder drage,  
em Benz jet römfare,  
jet Schau für die Menge,  
vun d`r Kanzel jet schänge.

**Ich wör `su jään ens Weihbischof ...**

Bei de Sünder jet setze,  
mem Weihwasser spritze,  
Verjebung verschenke,  
un Weihrauchfässje schwenke.  
Jet schlofe em Jade,  
mem Herrjott jet schwade,  
de hillije Jeist verdeile  
an jede ärme Seele.

**Ich wör `su jään ens Weihbischof ...**

Immer bei de Jäste  
bei Einweihungsfeste.  
Jot esse un jot drinke,  
jet säne und jet winke.  
Bedde für die Kranke un Lahme,  
mem Kardinal ovends en Rund Dame.  
Af un zo nom Papst ens luure un en jet beduure.

**Ich wör `su jään ens Weihbischof..**

Wenn nur eins nit wör,  
dat es et ZZZZZölibat.

© Bläck Fööss 2008

Zitat Bläck Fööss: "Die Nutzung dieser Texte für private Zwecke ist ausdrücklich erlaubt und erwünscht. Jedwede kommerzielle Nutzung gleich welcher Form bedarf jedoch grundsätzlich unserer Zustimmung."